



光宣宜荆續志卷三

經政志

戶口 選民 住民

載觀前史身丁有賦計帳有條歲課盈虛於戶口增減靡不勤勤加意焉 有清定例丁銀隨田辦納停止五年編審歲報增丁未及戶數舊志仍之新志雖載明戶數而主客各戶仍未分明具文而已宣統元年奉文初選諮議局議員於是人民中有選民有住民繼以調查戶口奉文戶數兩月編訂一次口數半年編訂一次每戶各編門牌凡三戶同住者以一戶為正戶餘為附戶二戶同住者以先至為正戶後至為附戶口數并以壯丁學童分報詳且密矣而所報各戶果否準確未可知也茲為分著於後其有未詳則補見於備志焉

選民

宣統元年初選諮議局議員宜興選舉人二千七十一人荆溪選舉人一千四百五十四人其時具有選民資格者往往匿不肯報甚且謝絕登記故為數止此詳見新政志

選舉門

住民

宜興冊報闕

荆溪城鄉正戶三萬五千二百十五戶附戶二千九百十六戶

右查照宣統二年荆溪縣署冊報

宜興人丁十四萬五千一百六丁內除節年滋生人丁五萬二千三百十五丁欽遵康熙五十二年

恩詔永不加賦外實在當差人丁九萬二千七百九十一丁  
女口闕

荆溪人丁十萬八千九百四十六丁  
內壯丁六萬五千三百七十一人學童一

萬九十五人女口八萬九千三百七十二人內除節年滋生人丁四萬四千九

光宣宜荆續志

卷三

選民 住民

二

百二丁欽遵康熙五十二年

恩詔永不加賦外實在當差人丁六萬四十四丁  
丁銀詳前志

右查照宣統三年宜興荆溪縣冊報按前志載光緒六

年宜興冊報人丁十一萬三千七百二十三丁見增三

萬一千三百八十三丁荆溪冊報人丁七萬六千五百

七十八丁見增三萬二千三百六十八丁無論前志所

載是否精覈而歲閱一世全縣人丁僅增此數固疑問

也

經政志

- 賦稅
- 田賦
- 鹽課
- 釐金
- 雜稅
- 蠲郵坵

田賦課稅國初以來定制相沿惟釐金一項則自洪楊之亂抽收助餉始試行於揚州後乃遍行亂平而仍未能去也庚子之變賠款事起賦稅大率有加商民咸奉令維謹蓋朝廷不得已之苦衷爲天下所共諒也若夫地方一遇水旱臣工入告請款夕奏朝愈既豁免錢糧又動撥公帑累年蠲卹未可以數計云

### 田賦

宜興舊區十有一區荆溪舊區十有二區凡各則田及折實平田額數詳前志自同治間清丈以來無變更

光宣宜荆續志

卷三

賦稅 田賦

三

宜興荆溪額徵折實平田銀米數目同前志

宜興歷屆報墾至宣統元年止已墾完糧各則不等田地都爲六千七百六十三頃六畝二分五釐五毫四絲四忽合折實平田六千六百二十六頃八十七畝五分九毫一絲內平田六千四百六十九頃七十畝二分二釐六毫一絲九忽蓄艸平田二頃七十四畝四分九毫八絲高田一十七頃五十六畝七分六釐七毫八絲低田一百四十八頃七十六畝三分九釐九毫五忽蓄艸低田二頃三畝三分三釐二毫五絲極高極低山竹地二十二頃七十七畝二分三釐七毫五絲灘蕩塘九十九頃四十七畝五分七

釐一毫七絲又宣統二三年續墾啟征高低不等折實平田九百十四畝一分五釐九毫一絲六忽合共已墾啟征折實平田六千六百三十六頃一畝六分六釐九毫六絲六忽宣統三年秋勘認墾不等田四頃五十六畝五分不列前數

按前志所載各則田原文額數宜興尙有未墾及未屆啟征折實平田一千四十六頃六十一畝一分九毫八

絲未墾已墾額田詳確畝數檔卷散失從略

荆溪歷屆報墾至宣統三年止已墾完糧各則不等田地都爲五千五十八頃二十八畝三分二絲四忽五微內平田四千一百八十五頃四十五畝八分八釐八毫一絲二微

光宣宜荆續志 卷三 田賦 四

蓄艸平田十五頃六十九畝二分九毫一絲蘆葦平田十頃二十一畝一分六釐二毫二絲高田九十三頃四十六畝七釐七毫八絲蓄艸高田十二頃十五畝五分八毫五絲低田一百四十六頃六十六畝五分三釐四毫九絲蓄艸低田二頃十四畝二釐二毫三絲蘆葦低田三十二畝六分二釐六毫二絲極高低山竹地三百四十五頃七十二畝二分四釐一毫七絲蓄艸極高低山竹地九十五頃二十五畝一分五釐五毫六絲蘆葦極低田一十畝四分一釐二毫茶地四頃九十六畝五分五釐九毫二絲灘蕩塘一百四十頃八十八畝九分二毫六絲三忽合共已墾

啟征折實平田四千五百八十九頃八十六畝七分九釐  
三毫六絲九忽七微宣統三年下忙屆征新墾高低不等  
田地五頃二十四畝計折實平田二  
頃四十五畝一分九釐三  
絲四忽九微不列前數

按前志所載各則田原文額數荆溪尚有未墾額田一  
千八十二頃八十七畝八分七釐六毫九絲以折實額  
數計尙有未墾及未屆啟征折實平田七百六十三頃  
四十八畝三分一釐九毫七絲二忽四微

蘆灘畝數同治清糧時見丈者宜興凡六百九十一頃七  
十四畝六分一釐一毫五絲六忽荆溪凡四十五頃九十  
七畝一釐七毫五絲宜興額征蘆課正銀一千五百二十

光宣宜荆續志

卷三

田賦

五

五兩五錢五分七釐耗銀一百六兩七錢八分九釐荆溪  
額征蘆課正銀一百二十八兩五錢六分耗銀八兩九錢  
九分九釐四十年來湖岸漲坍情形大異迄未復丈歷年  
實征課銀因不列田賦正項不無含混且檔卷散匿無從  
詳載

民山畝數同治清糧時見丈者宜興額編絲棉麻布銀山  
二萬九千六百一十九畝荆溪額編絲棉麻布銀山五千  
九百三十二頃五十一畝八分宜興額徵山絲銀六十五  
兩五錢三分七釐耗銀四兩五錢八分七釐荆溪額徵山  
絲銀一千三百三十九兩九錢九分八釐耗銀九十三兩

八錢上下忙並征茲查原報續認至宣統三年止宜興每  
年實征山絲銀一百十二兩六錢八分又耗銀七兩八錢  
八分八釐荆溪每年實征山絲銀六百三十四兩三錢五  
分二釐又耗銀十二兩四錢六釐其實在未墾及已墾未  
報民山尚有若干因檔卷散佚無從詳載按宣統三年荆  
溪縣呈報官冊  
開額編絲棉麻布銀山共六千五百五十五畝一分  
五釐比較前志所載贏一百二十三頃十三畝三分五釐  
因何溢出俟考宜興官  
冊民山畝數符前志  
襍辦舊有門攤課鈔銀漁課銀城租銀荆溪別有茶行銀  
俱同前志

邑人周學源錢漕記上曰宜興荆溪田糧之則六田有

光宣宜荆續志 卷三 田賦

高下高下又不等法以平田爲率層累而遞折之按平  
田亦有等有蘆葦平田每畝折平田五分有蓄艸平田  
每畝折平田三分五釐二毫平田之次曰高田每畝折  
平田八分五釐九毫四絲六忽一纖七塵九渺曰低田  
每畝折平田七分七毫七絲九忽一纖九塵九渺又次  
曰蓄艸高田每畝折高田三分三釐三毫三絲三忽三  
纖二塵曰蓄艸低田每畝折低田三分五釐六毫九絲  
九忽八纖九塵五渺曰蘆葦低田每畝折低田五分曰  
極高極低山竹地每畝折平田四分三釐九毫五絲二  
忽七纖四塵二渺曰蓄艸極高極低山竹地每畝折極

高極低山竹地三分三釐三毫二絲一忽六纖日蘆葦  
極低田每畝折極高極低山竹地五分而茶地每畝折  
平田三分三毫三絲三忽九纖二塵七渺灘蕩塘每畝  
折平田二分五釐二毫七絲八忽二纖八塵五渺六漠  
則又不專以高低論至銀山一畝每忙僅征銀一釐一  
毫零蘆灘一畝每年僅征銀二分零其實與所謂極高  
低地無甚區別惟以不列田糧故丈量科則疏密殊矣  
餘詳前志計宣統三年止已墾啟征田畝宜興平田約  
居百分之七十五高田百之十低田百之十灘蕩塘百  
之五荆溪平田約居百分之八十高田百之八低田百

之八灘蕩塘百之四宜荆多山而瀦水何沃皋之多歟  
前志固慨乎言之矣當同治閒清丈時官吏以舊額不  
符恐遭駁斥或改蘆灘爲平田山鄉則以山當之迄今  
報熟愈廣斯害愈著而荆溪爲尤甚戶口日繁未報墾  
之田尙多此重行清丈之必不可緩也上下忙銀價每  
兩合制錢二千文帶征地方積穀費每兩錢九十二文  
庚子後各省籌補賠款鎊虧本省奏定每兩加征錢二  
百文光緒季年銅圓充斥銀價驟增又每兩加征錢二  
百文名曰彌補洋虧俗稱銀圓價爲洋價上下忙俱同錢漕記下  
日漕米解支有白糧有銀有本色詳前志民間完本色



或折色不論每完米一石帶征水腳等費錢一千五十二文本色折色同每歲十一月杪開倉七日各區圖先後有定次先期由蘇藩司定折色價頒示通曉光緒初年折價每石止在三千文內縣官利收折色且於開倉期內特減二三百文然鄉民載米爭赴東南兩倉俱充積如山蓋以穀鮮出境民有蓋藏也自十四五年後比歲荒歉民食漸絀糧倉收米逐漸減少而折價常在四千文左右矣由季年迄宣統初開倉幾若具文後竟廢置其閒惟光緒三十年穀價驟落藩署所定折價贏差五百餘文於是糧戶悉完本色卽有完折色者董保吏

胥亦要而易之而米賈下中者大半荆溪倉從嚴剔取多押回倉亦充塞宜興縣令恩厚寬和而郵民押回米仍悉數准收計收米近三萬石倉滿則借寺院借徐氏義莊以寄困會米價旋漲恩得無累舍此俱爲全完折色年分然折價愈增矣向章來年四月完漕終止年外完每石加錢五百文而民間必舍其所獲之穀輾轉以完折色且遲至來歲加價完者日益多此亦三十年來物力盛衰之表示也折色行而銀價之弊起緣藩署定折價以錢計民間則通用銀圓歷任縣官自定櫃價照市上每一銀圓抑價由二三十文累至百文糧戶逕以

制錢即銅圓

爭完乃有銀七錢三之例然鄉民謹愿錢亦不可多得利獨在櫃胥按光緒三十四年以前每一銀圓不足當千文而折價遞增至五千文外加水腳等費一千五十二文逾年完者再加五百文糧戶之耗於錢價者巨矣此風既開上下忙亦彷徨惟抑價較殺耳漕米無帶征費光緒三十年因興學堂奏行串捐每串一張帶收錢五文上下忙串同

### 增記報墾復荒案

光緒二十五年秋常州府知府莅勘新墾勒令宜興一縣認報新墾田三萬畝縣令郭曾程告以連年水旱民

光宣宜荆續志

卷三

田賦

九

力未逮不允乃下鄉飭集各圖書令照荒田數報熟三成不足者交縣押比語郭令三萬之數少一畝則聽參郭令云願以一官抵三萬畝無著之賦相持甚烈繼由漕案書曹立山請暫照府諭如數填報至來歲八月郭令即將所報新墾並未核勘實由府諭勒認所有拋荒地多高亢本年原熟田畝尙且苦旱何況高阜民怨沸騰環求覆勘等情據實上詳並自請參處奉巡撫批飭府覆勘據實具報如再漫不經心定與該縣并處等因於是知府莅宜覆勘而前案竟全銷矣郭令本署任其毅然上詳時已交卸在卽此尤難能也

鹽課

宜興荆溪為浙鹽行銷區域前志所載兩縣鹽額四千七百引每引四及每引納課正耗銀數至今無甚變更光緒庚子以後賠款事起鹽商亦經派捐價遂逐漸加增查宣統二年二月以前每斤價五十七文三月以後易為銀圓數即每斤五分七釐最後為每斤價六分此食鹽也醬鹽價為六分四釐

釐金

宜興釐捐局當同治四年創設時止以張渚湖汶竹筍為大宗捐款於和橋周鐵橋等處設分卡而已嗣以比較為

光宣宜荆續志

卷三

鹽課

釐金

十

委員考成又增設張澤橋義西圩等卡征益苛密矣然宣統年間旺收止七萬餘千文約計百貨捐三萬千米捐四萬千絲捐一千餘圓茶捐七八百圓繭捐始萌芽捐數極微自經改革檔卷散失藩署舊文亦付一炬其歷屆委員姓氏及比較盈絀莫可考焉光緒中年委員某詳准加征落地襍捐於城門設分卡激成罷市毀捐局宜興令萬立鈞據情上詳奉檄即日停止增誌於此以見當時本省長官未忍以聚斂拂民意也

雜稅

契稅 定章每契價銀一兩征銀三分銀價由蘇藩司頒

定行縣照征

民間田產契價率以制錢二千文合銀一兩納稅訖由縣掣黏印收俗稱稅尾每張帶征

錢四百宜興荆溪兩縣每年征解銀自五六百兩至千餘

兩不等

牙稅 卽牙帖稅向章分四等上等每年征銀二兩加耗銀一錢四分二等一兩五錢耗一錢五釐三等一兩耗七分四等五錢耗三分五釐光緒庚子後奉文加五倍征收兩縣每年征解之數大率增至三四千兩矣銀價同契稅另有短期牙照捐以一年爲限繳捐自四圓至十二圓不等不列奏銷

當稅 卽典稅宜興轄一荆溪轄四凡五當典每年各征銀五兩光緒庚子後奉文加十倍征收各征正銀五十兩又耗銀三兩五錢銀價同牙稅辛亥改革停止

菸稅 菸葉每百斤捐錢六百文菸筋每百斤捐錢二百

光宣宜荆續志

卷三

雜稅

十一

文由宜荆釐局總收彙解光緒二十六年加坐賈稅每年認繳錢一百二十千文二十九年停止

酒稅 黃酒每百斤捐錢一百文燒酒每百斤捐錢二百文由宜荆釐局統收彙解光緒二十八年加坐賈稅每年認繳銀五百圓二十七年又加四百圓

牲畜稅 大豬每口捐錢二百文中豬一百文小豬五十文湖羊每口捐錢七十文山羊五十文小羊三十文每年額征捐錢六百九十四千一百文由宜荆釐局統收彙解

前志有牛稅縣統計表未登當係漏載

房捐 光緒二十八年奉文每房租錢一千文抽捐錢一

百五十文主客各半按期由縣署派員收捐每年四季約  
共收捐錢二千餘千文彙解蘇省房捐局無定額

附地方捐

當捐 城典每月捐錢三十千文鄉典每月捐錢二十

千文宣統元年正月均改錢數爲銀圓數

此係當捐積穀專款向以

厚餘堂從屋爲儲穀之所

茶捐 光緒三十二年十月由兩縣署呈報出示每茶

一碗捐錢一文嗣由城廂本業每年認繳錢三百六十

千充學務經費其各鎮鄉亦次第開辦均未開報辛亥

改革停止

光宣宜荆續志

卷三

雜稅

蠲卹

三

蠲卹

光緒九年宜興荆溪被水成災奉

上諭被災田地應完下忙銀米准予緩征

光緒十一年大水奉

上諭緩征被水田地下忙銀米

光緒十四年秋旱奉

上諭緩征本年被災田地下忙銀米已完上忙准其流抵

十五年新賦

光緒十五年正月二十七日恭逢

皇上下婚禮成及崇上

皇太后欽獻徽號兩次膺黃奉

恩詔將光緒九年十三年以前民欠錢糧概行豁免

光緒十五年秋大雨四十餘日禾已熟悉淹水中災情最苦奉

上諭被災田地應完下忙銀米准其蠲免已完本年上忙流抵十六年忙銀

光緒十七年夏少雨七月二十七日雨驟至經旬圩田悉淹荆溪山鄉蛟水暴發災尤重奉

上諭宜興被災田地本年應完下忙銀米准其減免六釐荆溪被災無收田地准予全蠲其次分別災情減免二分

光宣宜荆續志

卷三

蠲卹

三

五釐一分九釐五釐不等

光緒十八年旱奉

上諭被旱各田應完銀米緩至來年秋後察勘帶征已完上忙准其流抵十九年上忙

光緒二十年大旱奉

上諭被旱各田緩征本年上下忙銀米已完上忙流抵二十一年新賦

光緒二十二年大水奉

上諭蠲免本年被災各田下忙銀米

光緒二十三年春苦雨秋螟傷稼成災奉

上諭蠲免本年被災各田下忙銀米

光緒二十四年大旱奉

上諭被旱未種各田下忙銀米准其蠲免

光緒二十六年秋旱奉

上諭本年無收田地下忙銀米准予蠲免

光緒二十七年水奉

上諭被水無收田地應完下忙銀米准予蠲免

光緒三十二年大水災重奉

上諭被災無收田地本年應完銀米准予蠲免

光緒三十四年大水災情同三十二年奉

光宣宜荆續志

卷三

蠲卹

十四

上諭被災無收田地蠲免本年應完銀米

宣統元年大水奉

上諭蠲免被災各田本年應完銀米又奉

皇上登極恩詔所有光緒十四年十八年二十年緩征銀米概行豁免

經政志

積儲

常平倉

積穀倉

義倉

國無九年之蓄曰不足無六年之蓄曰急然則積儲者天下之大命卽一邑之大命也漢時始設常平倉隋更立義倉自朱子社倉議行法良意美至今遵之

宜興荆溪兩縣常平倉既以兵燹久停未復積穀奉文帶征累年振糶於前派萬石外所增無多義倉之分建者或從事整頓歲有加增或尙在因循絕無成效夫當此戶口日繁地不加廣穀價騰踊較前倍蓰苟非先事綢繆廣爲儲蓄設遇災荒將何以濟願以告有心桑梓者

常平倉 積穀倉

常平倉

見前志宜興縣署未建常平倉亦未建復

積穀倉

宜興分設已見前志歷年動撥及分存各鄉城倉無存

成半積穀倉

在縣東南茶局巷見前志光緒六年經始宜興荆溪合存穀三千餘石

光宣宜荆續志

卷三

積穀倉

五

以上宜興荆溪合

和橋積穀倉

在和橋下塘萬一萬二兩區合見前志倉廩三十餘間穀八千餘石

周鐵橋積穀倉

光緒初里人公置河字號民房爲倉廩十四年火災燬穀大半當經紳董按圖集捐建倉補購如前數至二十五年奉文帶征款捐逐年存穀較加復添建倉廩四所門樓四間

新芳橋積穀倉

光緒三十二年後比歲災荒居民鮮食倉儲半撥平糶半給各圖見在無存

以上宜興

張渚積穀倉

舊存城倉光緒十四年大旱分倉給振殆盡嗣經里人在國山書院西另建倉屋六間存

穀二千石

以上荆溪



按前志屬於宜興各鄉積穀倉尙有二一在芳橋南  
儲開寶兩區穀光緒三十二年災振散放無存一在  
官村沖寂觀西儲神安全區清東半區穀屢遭荒歉  
散放亦無存倉屋廢壞宣統二年重修改為官林學  
堂其由城倉積穀分存各鄉穀數及年月均無卷可  
稽從闕

### 義倉

在城義倉 在縣東南茶局巷宜興荆溪合見前志光緒初  
宜興令施惠邑人任重光周家楣各捐穀一千  
石其後重光子元濬期曼又捐穀一千三百餘石餘亦多  
所捐助近年田產穀石均有加增歷屆平糶特以因應  
以上宜興荆溪合

### 光宣宜荆續志

### 卷三

積穀倉

夫

西義社 在西察院原址乾隆開里人吳文孝女守貞不字  
居此晚年奉佛度尼改為香蓮菴光緒初文孝曾

孫紹隆收回入公十一年里人儲寶琛等集  
貲改建儲穀備振蔣瀆里土地祠亦附焉

體仁堂 在萬一舊區二圖嚴莊下莊兵燹後下  
五莊公立有田百餘畝存穀二百餘石

存善堂 在萬一區十二圖全圖公立有田三十  
餘畝銀幣二百餘圓存穀一百餘石

誠善堂 在萬一舊區十三圖兵燹後公立有  
田三十餘畝穀百餘石十二莊輪管

同善堂 在萬一舊區十四圖大潭村光緒三十  
二年公立有田十六畝穀三百餘石

近仁堂 在萬一舊區十七圖上五  
莊公立存款三百餘圓

資生局 在和橋鎮本鎮存穀  
八百石倉廩十間

儲濟堂 在萬二舊區四圖張家村下六莊公立舊與上六  
莊合嗣經里人楊允斌等倡捐巨款購地分設倉

廩四間有田三十  
畝穀六百餘石

惠滋堂 在萬二舊區六圖丁家村倉屋

合濟堂 在萬二舊區六圖漫瀆村與七圖

遐濟堂 在萬二舊區八圖上捧村

遐裕堂 在萬二舊區八圖蔣年橋

思濟堂 在高陸下塘復濟堂前係萬二舊區九十

同濟堂 在岳亭橋萬二舊區十二間存穀八百餘石

積善堂 在萬二舊區十四圖李山瀆橋舊有兵毀光緒十

子陞堯復以金璧菴善繼菴業田并

入得田三十餘畝存穀五百餘石

官莊義倉 在萬二舊區十六圖九十九兩莊公立光緒初存

日漸擴充倉廩十三間存穀二千餘石舊分義倉善

堂兩項見已合并兼辦義材寒衣施藥及補助學款

光宣宜荆續志 卷三 積穀倉 七

新濟倉 在萬二舊區十六圖樓下村六七八

周濟堂 在萬二舊區十六圖王母村上

伏羲倉 在萬二舊區十八圖賦村街北平屋

積善堂 在萬二舊區十九圖灣里河南四五六七莊公

崇善堂 在萬二舊區十九圖鴉露樓

集善堂 在萬二舊區十九圖鴉露樓

仁濟堂 在西鋤倉廩九間

公信堂 在賽中村倉廩六

崇本堂 在瀾南倉廩四間

公善堂 在廟橋倉廩三

普濟堂 在鮑家莊里人王熙曾王

宋瀆義倉 先假敦善堂儲穀光緒二十九年里人呂謙吉周育材蕭書白等另建倉廩十間門廳五楹積

存穀千餘石遇災散借鄉戶未歸

仁善堂 在成任舊區二十一圖田千里里人辭景高吳英達等經理有田二十餘畝存穀二百餘石

鼎濟倉 在清東舊區新芳橋光緒二十三年里人毛有斐尹冠芳黃贊文經建

臧村倉 在本鎮北街七圖光緒十五年里人儲湘捐穀百餘石儲質夫購地備仁儲廷掄路之俊等建倉凡

十餘間存穀五百石

繆瀆橋社倉 存穀約三千石宣統三年分存各圖

崇仁堂 在河上舊區十二圖北準瀆河南宣統元年鍾保和沈祥琛歐盤根等經建倉屋三間積穀二百石

積善堂 在河上舊區十七圖茭瀆鎮光緒二十二年蔣永隆汪朗廷創捐建屋六間存穀一百餘石

光宣宜荆續志

卷三

六

崇義堂 在中準瀆吳匡時張永銓等購基建屋四間積穀一百餘石

樂善堂 在南準瀆光緒二十六年朱士華等創捐購屋三間存穀六十餘石

星善堂 在楊家圩光緒三年建

義和堂 在蔣瀆光緒十六年郭順英等創捐購地建屋三間存穀六十餘石

以上宜興

善後堂 在均上舊區三圖大港村河北凡三進屋七楹

公裕堂 在均上舊區四圖白泥場平屋三間

積善堂 在均上舊區六圖周墓村平屋三間

同善堂 在川埠鄉本鎮有田四十餘畝

亦善堂 在川埠鄉查林村有田八十餘畝

樂善堂 在川埠鄉上袁村

誠之堂 在均下區二十一圖蘭石村河北

恆裕堂 在震東鄉定跨頭莊光緒九年里人許士照許濟

石

縣厚堂 在震東鄉雙橋中村屋其四進道光二十六年

積餘堂 在震東鄉西望圩有屋三進後進已燬里人范

公濟堂 在湖汶鄉本鎮

永善堂 在湖汶鄉岡下有田

宮前社倉 存穀百

謂仁堂 在蜀山鄉本鎮見前志為二十六七兩圖義倉光

光宣宜荆續志 卷三 積穀倉 充

儀史振庠談芳辰周遴之周蔭周煥文等定章輪管增置

倉屋十餘開業田數百畝積穀五千餘石遇災濟振兼施

亦政堂 在蜀山鄉錢墅二十二圖光緒十六年里人周德

集慎堂 在蜀山鄉

寶善堂 一在丁山鄉本鎮有田五十餘畝穀三百餘石一

人周廷賢 等募建

公濟堂 在丁山鄉兆莊

積餘堂 在丁山鄉西山前村光緒三十

公善堂 在丁山鄉周墅光緒初里人王焯

崇善堂 在湯渡鄉本鎮有田

育善堂

一在清泉鄉塘頭村有田五十餘畝一在前洛村有田一百八十畝

滋德堂

在清泉鄉湖洋渚有田五百餘畝穀千餘石

咸新義倉

在五賢舊區茫溪里有田五十餘畝

復興義倉

在五賢舊區藤橋里有田四十餘畝

駱氏義倉

在五賢舊區駱家巷有田十餘畝倉屋二間

美樨義倉

在五賢舊區美樨里有田產倉屋

宗義倉

在五賢舊區安定里有田產倉屋

永平義倉

在從二舊區三圖光緒年間里人朱允成創設

芳圩義倉

在從四舊區三圖同治七年楊葆之姚小江創指置田建屋前志漏

永豐八圖義倉

宣統二年里人楊協禮經建

光宣宜荆續志

卷三

積穀倉

三

誌德堂

在永豐舊區十三圖祝陵村宣統二年周邦熙倡辦存穀五百石

張渚義倉

前係租地起廢不敷儲穀宣統二年余鼎銘重建

善慶堂

在陸平鄉光緒九年創建

善濟倉

在泮洲光緒初年山亭舊區十七圖蔣富奎創建

積善倉

在南莊光緒四年山亭舊區二十一圖蔣芝榮創建

以上荆溪

